


Ordenliche

**Und kurtzweilige Be-**  
**schreibung** des weitberhumbten Stahl-  
 schiessens / so der Durchleuchtigst Fürst vnd Herz  
 Herzog Maximilian / Regierender Landts-  
 fürst in Bayern /c. den 24. April / Anno  
 99. in Ihr Durchl: Hauptstatt /  
 zu München gehalten.  
 ten.

1102 2



Zu München druckts Nicolaß Hainrich /  
 Im Jar / da man zehlt

N.

D.

IC.



# Lingar schönes vnd

lustiges Gespräch/von dem Fürstlichen  
Frenschietzen/so den 24. Apull/  
Anno 99. In der Fürstlichen Haupt-

statt München gehalten  
worden.

**D**Es ich einmals sparteret auß/  
Antz allein auß meinem Haus.  
In vilerley gedanken schwer/  
Steng ich sparteren hin vnd her/  
In einer gar lustigen Awen/  
Da thät ich dem Gwilde zuschawen/  
Vor mir sah ich hergehn die Hirschen/  
In der Aw hin vnd wider Pirschen:  
Auch sah ich weiter in dem Holz/  
Vmblauffen vil der Thierlein stolz/  
Der Wasservogel ohne zal/  
Sah ich vmbfliegen vber all/  
Die Walbvogel Musicierten/  
Lieblich zusamen Concordierten.  
In dem thät ich die Aw durchwaten/  
Vnd suchte einen kühlen Schaten/



Daß ich allda möcht haben rhu/  
Vnd hört der Vögel singen zu/  
Hab darneben herzlich betrachte/  
Wie Gott alles hat wol gemache.  
In solchem gedancken tieff/  
Ich gleich an diesem ort entschleeff.  
Zuhand ein Thraum sehr wunderbarlich/  
Thät allda vbereylen mich/  
Gar bald thät sich zu mir her nehen/  
Ein Jungfraw lieblich anzusehen/  
Ganz nackende vnd bloß sie zu mir kam/  
Ein Binden roth bedeckt ihr Scham/  
Ein Fähnlein hielt sie an dem Rücken/  
Mein Hande thät sie mir lieblich trucken.  
Vnd sprach: wol auff gut gsell mit mir/  
Wunderliche ding zatz ich dir/  
Vnd führt mich auff ein weiten plahn/  
Da sah ich vil Bezelle da stahn/  
Vnter denen in sonderheit/  
War etne köstlich zubereit/  
Mit Tapereyen ganz durchauff/  
Geleich wie eines Fürsten Hauff/  
Auch sah ich daran hangen ganz/  
Von Lorberbletter einen Krang/  
Mit Gold gezieret vnd darinn  
Hengen vil Dypffel her vnd hin/  
Vnd so der Wind sein sanffe thet lauschē/  
Hört man das Golt gar lieblich rauschen/  
Weiter sah ich mit mein gesicht/  
Ein Tabernackel zugerticht/

In

In der weite bey hundert Eln/  
Von der wol zugertichten Zellen.  
Darauff ein Thurn zierlich stund/  
Daran ein Schlagobz zirkel rund/  
Oben auff dem Thuren mit fleiß/  
Stunde ein Fähnlein/ Blaw vnd Weiß:  
Auch sah ich allda hin vnd wider/  
Vil schrancken gemache/ auff vnd nider/  
Auch war ein Richtestatt in der nehen/  
Die Jungfraw sprach: thue weiter sehen/  
Hin auff die Straß/ da sah ich lauffen/  
Des Volcks daher ein grossen hauffen/  
Ich stunde erstarrt vnd erschrocken/  
Die Jungfraw sprach: Ey thu frolockē/  
Dann allhie wird man Kurzweil treiben/  
Ein Schiessen hat man auß thun schreibē/  
Doch/ so offe ein Schuß ist gschehen/  
Wirstu mich auff dem Thurn sehen/  
Da ich ganz frölich auff wil springen:  
In dem hört ich ein Glocken klingen/  
Die Jungfraw floh gar schnell von mir/  
Ich dacht/ ich will nachschleichen ihr/  
Vnd stunde gleich in der willkuhr/  
In dem hört ich schlagen die Dhr/  
Vnd sah vier Löwen gar verrucht/  
Hersfür springen/ ich gab die flucht/  
Vnd lieff daruon in den gedancken/  
Vnd stieß mich gar hart an die schranckē/  
Daruon ich blizlich aufferwachte/  
Dem Thraum ich hefflig nachgedachte/

2 3

Gleich

Gleich als man fünffzehenhundert Jar/  
Vnd NeunvndNeunzig zehlen war/  
Nach Christi Geburt außserwöble.  
Wurde ein Schiessen angestellt/  
Von ihrer Durchleucht außserkorn/  
Maximilianus Hochgeborn/  
Herzog in Bayern weit erkandt/  
Auch Pfalzgraff an dem Rhein genandt/  
Der Edel Fürst erinnert ward/  
Nach setner Vorelteren art/  
Daz Er es mit der Nachbarschaffe  
Solt halten/ freundlich vnd standhaffte/  
Hat Sich auch bedacht offte vnd vil/  
Das Schiessen sey ein Ritter spil/  
Welches herkombe von den Alten/  
Wirdt biß auff diese zeit gehalten.  
In heiliger Schrifft wir auch lesen/  
Ehesau sey der erst Schütz gewesen.  
Welcher durch seinen Bogen fele/  
Sehr vil Gewilts darnider schnelle/  
Auch beschreibet Homerus da/  
Als belägeret ward Throna/  
Spricht er: Paris hab wol geschossen/  
Des Achilles hat klein genossen.  
Auch lobt er Blissem den weisen/  
Thut ihn sein schiessens halber preisen.  
Auch beschreibet Duidnus/  
Spricht/wie der Jüngling Accus/  
Am Gejaidt durch sein Bogen scharpff/  
Sehr vil Gewilts/er nider warff.

Auch

Auch von Thianne der Göttin/  
Sindt man geschriben her vnd hin/  
Wie sie bey allen ihren Tagen  
Hat lust zum schiessen vnd zum jagen.  
Also auch Ihr Durchleuchtigkeit/  
Hat außgeschriben weit vnd breit.  
Welcher diser Kunst were holt/  
Daz er gen München kommen solt/  
Wol in sein Hauptstatt außgesundert/  
Er wolt geben der Taler hundert/  
Zum Vortheil künstlich zuerschuessen/  
Ein guter Schütz solt ihr gentessen.  
Den viervndzwanzigsten Apull/  
Wurde angehn das Ritterpill.  
Nach diesem Ihr Durchleuchtigkeit/  
Ließ auffschlagen in sonderheit/  
Vor der Newen Bessie im Plackfelde/  
In ordnung manches gezelle/  
Wie ich es vor im Traumb hab gsehen/  
Vnd darff es mit der warheit jehen/  
Daz es war lustig anzuschawen/  
In der wol zugertichten Awen.  
Hundert Bayernscher Elen lang/  
Schuß man zu end von dem anfang/  
Vier Ziel wurden gesteckt dar/  
In zween schuß Latmen offenbar/  
Vil Fürsten bezgleichchen/vil Städte/  
Jeder sein Gesandten schickten ehät:  
Auch wurden die Schützen allsander/  
Beschriben fleißig nacheinander/  
Wie

Wie jeder hieß/ vnd frage sie mehr:  
Von welchem Ort er kommen wer?  
Hundert vnd vierzig in der summen/  
Waren auff dise Schießstatt kommen.  
Gar bald thät man die Neuner wöhlen/  
Die solten alle ding bestellen/  
Die lehten fleiß an in den sachen/  
Vnd thäten schnell drey viertel machen.  
Auch thät man jedem Viertel ratzen/  
Ein Fähnlein zu seinem merckzaitzen/  
Grün/Gelb vnd Roth waren die Fähn/  
Nachdem thät man jeden vermahnen/  
Welcher die halben schuß wurd fehlen/  
Dem wurd man mit der Pritschen sirelen.  
Das ganze Leggelt mit verschulden/  
War zehen kreuzer/ Enff gulden.  
Nach disem löffe man omb die Stöck/  
Ein jeder maite zereffen den Zwöck.  
Auch so hat Ihr Durchleuchtigkeit/  
Von newem artlich schön bekleide/  
Die Ziller vnd die Abentherw/  
Welches in kombt zu guter stew:  
In blau vnd wissen Daffet gut/  
Die waren frölich wolgemut.  
Hernach thät man die Troimel schlagen/  
Vnd thät dem ersten Viertel sagen:  
Sich zu dem Schuß fertig zu machen/  
Jeder leht fleiß an in den sachen.  
Den grünen Fahn thät man auffstecken/  
Mit der Glockn thät man auffwecken.

Die

Die Uhr die fieng zu lauffen an/  
Drey viertel thäten herumb gan/  
Vnd als das letzte viertel thät schlagen/  
Da stunde ich hoch auff einem Schragen/  
Vnd sah allda der Löwen vier/  
Vhende herfür schnurzen mit begier/  
Die hielten starck mit ihren Dappen/  
Deß Fürsten vnd der Fürstin Wappen/  
Bedeckten darmit die Zill runde/  
Auff das keiner mehr schtessen künde/  
Das Fähnlein oben auff dem Thurn/  
Thät im Augenblick hinein schnurn/  
Mein Herz im Leib vor freuden lupsel/  
Die Jungkfraw auff dem Thurn hupsel/  
Da sie vor jeder man thät prangen/  
Biß das die Neuner kamm gegangen/  
Mit Trumtel vnd mit Pfeiffen hell/  
Vnd schlugen an den Ströckl schnell/  
Keinem thät da vnrecht geschehen/  
Das darff ich mit der warheit sehen/  
Bald sie vom Schießlatm thäten rucken/  
Thet sich die Jungkfraw wider tucken/  
Im Augenblick die fluchte thät geben.  
Das Fähnlein sah man wider schweben/  
Nach disem wurd geschriben ein/  
Ein jeden sein schuß recht vnd sein/  
Also thät es allwegen gan/  
Biß man die halben schuß hat ehan/  
In dem wurden ihr zehen zehle/  
Die hetten der zwöiff schuß gefehle/

Die

Die Pritsche man vor dem Frauenzimmer/  
Auff daß sie solchs thäten nitmer/  
Doch zween vnter den Schützen einzig/  
Die fehlten der schuß vierundzwainzig/  
Die wurden bald vmb ihr vnthat/  
Gepritschet an der vorigen statt/  
Hernach wurd in den Tabernackl/  
Pierlich gestellt ohn allen maackl/  
Die Gwinnesser nacheinander/  
Die sah man da stehn alle sander/  
Wie schiessen mancher guter Schuß/  
Brauchte allda sein sinn vnd witz/  
Wie er das beste möcht gewinnen/  
Zedoch war einer vnter ihnen/  
Von Harmatbing vnd Basenbach/te.  
So der zeit Oberrichter ward/  
In München der Fürstlichen Statt/  
Sich trefflich wol gehalten hat/  
Wie schiessen hat er ehan das beste/  
Für frembd vnd dann heimisch gäste/  
Das Beste hat er gewonnen frey/  
Den besten Kranz schuß auch dabey/  
Welches Ihme bracht grosses lob/  
Daß er da hat gesiget ob/  
Ihr Beste hat sich nit lang bedencken/  
Thät ein faß Wein zum besten schencken/  
Auch dreyundzwainzig gulden par/  
Schenckte er zum Trinckgeld willig dar/  
Den Zillern vnd den Abenschwiz/  
Daß sie gedencen fert vnd heur.

Ihs

Ihr Durchleuchtigkeit hat auch mehr/  
Den Schützen erzaget grosse Ehr/  
Vnd hat sie in die Newen Bessle/  
Lassen laden/als frembde Gässe/  
Allda er ein köstlich Pancket/  
Den frembden Schützen halten ehet/  
Die vnter dem grünen Fahn lassen/  
Desselben tages zu Hof assen/  
Hernach an dem anderen Tag/  
Assen zu Hof/wie ich euch sag/  
Die vnter dem gelben Fahn waren/  
Die driten thäten sich nit sparen/  
Welche das Fahnlein hetten Not/  
Die legten auch dar auff kein spott.  
Dieses vnd anders mehr geschach/  
Von gmatnem Volck man wunder sach/  
Die Pritschenbank die ferret nit/  
Der Würffel het auch wenig frid.  
Man spille ins Silber vnd ins Zin/  
In Narren warff man her vnd hin/  
Die Kochhütten vnd die Weinzell/  
Sucht hatmb mancher guter gesell/  
In sechs Tagen das Schiessen sich  
Thät enden/Gott wöll gnädiglich/  
Ihr Durchleucht noch bewahrn wider/  
Das wünscht Hans Manz Ederschneid.

E N D E.

Univ. Bibl.  
München